

4990

1910

2010




ՆՈՐ ՓՆՁԱԿ

ԳՐՔՈՅՑ

ԸՆԹԵՐՑԱՆՈՒԹԵԱՆ ԵՒ ԱՐՏԱՍԱՆՈՒԹԵԱՆ

ՓՈՔՐԱՀԱՍԱԿ ՄԱՆՈՒԿՆԵՐՈՒ ՀԱՄԱՐ



ՊԱՏԿԱՆԵՐԱԶԱԳՈՐԾ

Ը. ՏՊԱԳՐԱԿԱՐԻԿԱ



2002

Կ. ՊՈԼԻՍ

ՏՊԱԳՐԱԿԱՐԻԿԱ Օ. ԱՐՅՈՒՄԱՆ

1910

491.99-8
4-93

Կ-3 Ն 29

ՀՐԱՏԱՐԱԿՈՒԹԻՒՆ Պ. ՊԱԼԵՆՑ ԳՐԱԺԱՆ


491.99-8 Printed in Turkey

2-93
ՆՈՐ ՓՆՁԱԿ

ԳՐՔՈՅՑ

ԸՆԹԵՐՑԱՆՈՒԹԵԱՆ ԵՒ ԱՐՏԱՍԱՆՈՒԹԵԱՆ

ԳՈՐԾԱՀԱՎԱԿ ՄԱՆՈՒԿՆԵՐՈՒ ՀԱՄԱՐ



ՊԱՇԱԿԵՐՏԱԶԱՐԴ

Ը. ՑՊԱ.ԴՐԱԽԹԻՒՆ



Կ. ՊՈԼԻՍ
ԳՐԱ.ՑՈՒՆ Պ. ՊՈԼԵՎԵՑ

1910

11879

Printed in Turkey

ՆՈՐ ՓՆՁԱԿ

ՏՊԱՐԱՆ ԵՒ ԿԱԶՄԱՑՈՒՆ
Օ. ԱՐՁԱԿԱՄԱՆ
№ 57



I. — ՄԵԾ ՄԱՆՉ ՄԸՆ ԵՄ

Անցած տարի, ըստուղապէս
Փոքր էի գեռ, բայց քանի որ
Կարդալ, գրել գիտեմ այսօր,
Չափահաս մեծ մանչ մըն եմ եռ։

Մօրըս ծունկին վրայ, հերու
կը տեսնէին զիս միշտ նատած.
Փոքր էի դեռ ես անկասկած,
թայց ա՛լ եղած եմ վեց տարու:
Հիմա կ'երթամ մանկապարտէղ,
կը սորվիմ շատ գասեր գըժուար,
Պայուսակս ալ, կախ ուսէս վար՝
Կ'ըսէ թէ մեծ մանչ մըն եմ ես:
Մըտիկ կ'ընեմ վարժապետին
Խօսքերն ու միտք կը պահեմ լաւ,
Եւ ինէ շատ գոհ է հարկաւ
Որ աչքերն ինձ միշտ կը ժպտին:

ԲԱՌԵՐ. — Ստուգապիւ՝ ստուգիւ, իրաւ: Հեռու՝ անցած տարի: Անկասկած՝ տարակոյս չկայ որ:

2.—ԱՌԱԻՕՏ

Առտու է:
Արեւը ծագեր է: Ամէն կողմ
ըյս է: Թռչունները շատոնց ար-
թընցեր են և անուշ անուշ կը
գեղգեղեն ծառերուն վրայ: Գոր-
ծաւորները գացեր են իրենց գոր-

ծին. Հայրիկս ալ կանուխ ելեր՝
հիմայ անշուշտ կ'աշխատի:

Իսկ ես՝ այս որչափ պառկեր
եմ: Շուտով ելլեմ, եթէ ոչ ուշ
պիտի մնամ դասերէս:

Մայրիկս նախաճաշը պատրաս-
տած է արդէն: Երթամ լուաց-
ուիմ, հագուխիմ և նախաճաշը ը-
նեմ, որպէս զի ընկերներուս հետ
դպրոց երթամ:

Ինչ անուշ բան է դպրոց եր-
թալը, առտուն կանուխ, սիրելի
ընկերներուս հետ թեւ թեւի:

ԲԱՌԵՐ. — Գեղգեղեն՝ թռչուններուն երգելը:

3.—ՄԵՐ ԱՅՍՈՐՈՒԱՆ ԴԱՍԸ

Դասաստուն այսօր ըստաւ.

— Տղաք, ամէն բան իր ժամա-
նակը ունի. Խաղի ատեն պիտի
խաղաք, գործի ատեն պիտի աշ-

Խսատիք ։ Եթէ լաւ աշխատած ըլ-
լաք, աւելի համ պիտի առնեք
զբօսանքէն ։ Զբօսանքը աշխատո-
ղին իրաւունքն է ։



Միտքս պիտի պահեմ այս
դասը ։

4. — ՍԻՐԱԾՆԵՐՍ

Կը սիրեմ մայրիկս անուշ, խելացի
Որ կուտայ ինձի համբոյրներ հազար
Եւ որ այնքան շուտ կը ներէ ինձի,
Ամէն անդամ որ ըլլամ քիչ մը չար ։

Կը սիրեմ հայրիկս որ միշտ կ'աշխատի
Ճահելու համար մեր հայն ու պարէն

Եւ որ խոնջէնքն իր մոռցած կը ժպտի
Նոր բարենիշ մը երբ յանձնեմ իրեն ։

Կը սիրեմ նաեւ իմ բարի մեծ մայր
Որ գիտէ սիրուն հէքեաթներ առատ
Ինչպէս նաեւ իմ աղնիւ մեծ եղբայր,
Որ իմ դասերուս միշտ կուտայ խրատ ։

ԲԱՌԵՐ. — Պարէն՝ տեսակ տեսակ ուտելիք ։
Խոնջէնի՛ յոդնութիւն ։ Առա՞ շատ ։

5. — Ի ԲԻԿՈՒՆ

Իրիկուն եղաւ ։

Արեւը մարը կը մտնի՛ ։ Հիմայ
գասատուն զանգակը պիտի զար-
նէ և դպրոցէն պիտի արձակ-
ուինք ։

Ընկերնե՛ր, շուտով տուն եր-
թանք ։ Փիշ վերջը պիտի միջնէ ։

Մինչեւ իրիկուն աշխատեցանք
և աղուոր բաներ սորվեցանք ։ Հի-
մայ հանգիստ պիտի առնենք և
սիտի զբօսնունք ։

Այսօր ի՞նչ որ սորվեցայ, իրի-
կունը հայրիկիս պիտի պատմեմ։
Եւ պառկելէ առաջ՝ վաղուան դա-
սերս պիտի պատրաստեմ։



6.—ՎԱՐԴ

Պատիկ ճերմակ, դեղին վարդ,
Պատուհանիս սիրուն զարդ,
Ի՞նչ աղուոր գոյն, բոյր ունիս
Որ ամէնէն կը սիրուիս։
Ես աշ արդեզք չեմ կրնար
Սիրուիլ միշտ ու անդադար։

Պղտիկ տղափ, լաւ գիտնանք,
Երբ ազնիւ բոյր ունենանք,
Տեսք մը մաքուր ու անմեղ
Կը սիրեն մեզ ամէն տեղ։

ԲԱՌԵՐ. — Անդադար՝ շարունակ, միշտ : Ազնի՝
լաւ, աղուոր : Բոյր՝ անուշ հոտ : Տեսք՝ կերպա-
րանք :

7.—Ի՞ՆՉ ԳՈՅՆ ՈՒՆԻՆ

Կաթը, Շապիկը, Ոսկին, Աղը,
Ածուխը, Շրժունքները, Յարդը,
Արծաթը, Մելանը, Կրակը, Հա-
սուն ցորենը, Կաւիճը, Կարագը,
Ավիւրը, Ակուան, Զիւնը։

8.—ՆԱՐԻՆՉՆԵՐԸ

Պատանի մը՝ դարակին մէջ զետեղուած
Շատ մը անեղծ նարինջներու մէջտեղ լաւ՝
Քիչ մը փտած միակ նարինջ մը դրաւ.

Բայց իրիկուան երբոր բացաւ դուռն յան-
կարծ,
Նարինջները փտած գտաւ ամէնքն ալ:
—Բարեկամնե՛ր, կ'ուզէ՞ք բարի միշտ մնալ,
Խուսափեցէք ընկերներէն գէշ ու ցած:

ԲԱՌԵԲՐ.—Զետեղուած՝ դրուած: Անեղծ՝ չվը-
նասուած: Միակ՝ մէկ հատ: Խուսափիլ՝ դգուշանալ:

9.—ԵՐԿՈՒ ԹՌՉՈՒՆՆԵՐԸ

Զաւէն և Ցոլակ, երկու պղտիկ
Եղբայրներ, դաշտը գացեր էին:
Ծառի մը ճիւղին վրայ բոյն մը
տեսան. որուն մէջ երկու թռչուննե-
ներ իրար կը կտցէին:
—Ի՞նչ կ'ընեն այս թռչուննե-
րը, հարցուց Զաւէն:
—Կոիւ կ'ընեն, պատասխանեց
Ցոլակ:

—Ո՛չ, ես չեմ հաւատար, եր-
կու Եղբայր պէ՞տք է ո՞ւ կոիւ
ընեն:

10.—ԱՐՁԱԿՈՒՐԴԸ

Երեկոյին
Երբ զանգակին
Անոյշ ձայնը
Արձակուրդը
Իմաց կուտայ,
Ամէն տըղայ
Կ'անցնին իրար,
Եւ անդադար
Ցատկեն, խայտան
Միաբերան:

Իսկ հապա եւս,
Ուրախ սրտէս,
«Մայրիկ», կ'ըսեմ,
«Անօթի եմ»:
Մայրս ալ գըմալ
Զիս դգուելով
Կ'առնէ իր գիրկ,
Ինձ կուտայ միրդ:

ԲԱՌԵԲՐ.—Երեկոյ՝ իրիկուն: Անդադար՝ շարու-
նակ, առանց կենալու: Խայտալ՝ ուրախանալ: Միա-
բերան՝ ամէնքը մէկ: Միրգ՝ պտուղ:

11.—ՆԵՐՍԷՍ

Օրինակելի աշակերտ մըն է
Ներսէս . միշտ կանուխ կու գայ
դպրոց , և ուշադրութեամբ դաս
կը սորվի :

Դասարանին մէջ շատ չի խօս-
սիր , ուշադրութեամբ մտիկ կ'ը-
նէ դասատուին ըսածները և իր
ընկերներուն անհանդստութիւն
չի պատճառեր : Ժամանակն ալ
պարապ չանցըներ , և միշտ կը
կարդայ , չհասկցածը հարցընելով
դասատուին :

Ասոր համար է որ կ'ըսեն թէ
Ներսէս ժրաշան տղայ մըն է :

ԲԱՌԵՐ.—Օրինակելի՝ ուրիշներուն օրինակ ըլ-
լալիք : Ժրաշան՝ աշխատող :



12.—ՄԱՆԿԻԿԸ ԵՒ ՃՆՑՂՈՒԿԸ
ՄԱՆԿԻԿԸ

Աղուո՛ր ճնճղուկ , ո՞ւր կը թռչիս,
Շուտ մի՛ փախչիր , մի՛ ձգեր զիս .
Յե՛ս քուկին միւս ընկերներուդ՝
Հաւին , բաղին ես կուտամ կուտ:
Նստէ՛ խելզք , մօսս եկո՛ւր ,
Վախկոտ մըլլար , ո՞ւր կ'երթաս , ո՞ւր ...

Ճ Ն Ճ Դ Ո Ւ Կ Ը

Եղբայր , ի՞նչպէս չըլլամ վախկոտ
Երբ թշնամին որո՞ւ է հոդ :
Արդեօք ինչո՞ւ կը մոռնաս դուն
Թէ կը սպասէ քովըդ կատուն :
Երբ բարիք ընել կ'ուզես

Նախ վռնտէ չարը մօտէս .
Եարը գիրկդ կընամ գալ եաւ

ԲԱՌԵՐ.—Որո՞յ յայտնի , տեսնուող :



13.—ՍԻՐՈՒՆ ԱՂՋԻԿԸ

Վարդուհի պզտիկ աղջիկ մըն
է : Ամէն մարդ կը սիրէ Վար-
դուհին : Օր մը մայրիկը հարցուց
թէ ի՞շու ամէն մարդ զինքը կը
սիրէ :

Վարդուհի քիչ մը մտածելով
պատասխանեց :

— Զեմ գիտեր , մայրիկ , ես
ամէն մարդ կը սիրեմ , կարելի է

անոր համար է որ ամէն մարդ
ալ զիս կը սիրէ :

Որչա՞փ ձիշտ էր Վարդուհիի
պատասխանը :

14.—ԾԱՂԻԿԻ ՀԱՄԱՐ

Ի՞նչ կը կոռուրտիք , Սիրո՞ւն և Խորէն
Զեր սիրտին խորէն ,
Կ'արժէ՞ որ արդեզք ծաղիկի համար
Ո՞հ անգըթաբար
Զիրար հրմշտէք , ծաղրէք ու վերջէն
Ծառերուն մէջէն
Սիրտերնիդ կոտրած դէպի տուն դառնաք
Խիստ արագ արագ :
Կեանքի մէջ այնքան հոգեր կան , տղաք ,
— Անանկ մի՛ խնդաք , —
Օր չարժեր երբեք կոռիլ չարաբար
Ծաղիկի համար :

ԲԱՌԵՐ.—Անգրաքար՝ առանց գութի , չարու-
թեամբ : Խիս՝ շատ : Որագ՝ շուտ : Չարաքար՝ չա-
րութեամբ :


16.—ԲԱՐԻ ԸՆԿԵՐԸ

Դաշտին մէջ կը պտտէի, երբ
ոտքիս տակ կէս մը չորցած ծաղիկ
մը տեսայ։

Այս ծաղիկը անուշ հոտ մը
ունէր։ Վերցուցի զայն, հոտուր-
տացի և ըսի։

—Դուն որ այնքան անուշ կը
հոտիս, ըսէ՛, արդեօք վա՞րդ ես։
Ծաղիկը պատասխանեց։

—Ոչ, ես վարդ չեմ, բայց ա-
տեն մը վարդերու հետ ապրեցայ.
անոնցմէ առած եմ իմ անուշ
հոտս։



ՅԱՅ

17. ԵՐԵՔ ԵԶԵՐԸ

Երեք եղեր, իրարմէ միշտ անբաժան
Դաշտերուն մէջ կ'արածէին միաբան
Չոնէին բնաւ գայլէն վախ։
Օր մը, սակայն, իրարու հետ գըժտեցան.
Չար գայլն եղաւ շատ ուրախ։
Բաժնուած էին անոնք։—Նատ դիւրաւ
Երեքն ալ զատ զատ բղքտեց կերաւ։

ԲԱՌԵԲ. — Սնբաժան՝ իրարու հետ ապրող,
իրարմէ չբաժնուող։ Միաբան՝ իրարու հետ սիրով։
Գծիլ՝ սրդողիլ։

18.—ՄՈՒՇԵԼ ԵՒ ԻՐ ՔՈՅՐԸ

Ա.

Ամառ օր մը, մայրիկը դպրոց
զրկեց Մուշեղը։ Բայց գիտէր թէ
զաւակը շատ կը սիրէ խաղը։ Եւ
կրնար ըլլալ որ դպրոցէն փախչի,
ուստի քոյրն ալ մէկտեղ զրկեց։

Օդը շատ տաք էր։ Մուշեղ մը-
տածեց թէ աւելի աղէկ պիտի
ըլլայ գետափը խաղալ, քան դըպ-
րոց երթալ։ Այնպէս ալ ըստ
քրոջը։

—Ո՞չ, ո՞չ, պատաժսանեց քոյ-
րը, ես խաղալու ժամանակ չունիմ։
Քեզ դպրոց տանելէ վերջը, շու-
կայ պիտի երթամ, բուրդ, ասեղ
և ուրիշ շատ մը բաներ պիտի գը-
նեմ և մայրիկն պիտի տանիմ։
Տունը երկուքս մէկ պիտի աշխա-
տինք, որպէս զի ուտելիքի դրամ
ձարենիք։



Այդ միջոցին աղան մեղու մը
տեսաւ, որ ծաղիկէ ծաղիկ կը
թուշտէր, և ըստ։

—Երանի թէ մեղու մը ըլլայի,
ա՛լ բնաւ հոգ չէ ունենար, ո՛չ
դաս, ո՞չ դիր։

—Կեցի՛ր, ըստ քոյրը, կը կար-
ծես թէ մեղուն անգո՞րծ է։ Ան
ծաղիկէ ծաղիկ կը թուշի, հիւժ
կը հաւաքէ և մեղը կը շինէ, ձը-
մեռուան պաշտը պատրաստելու
համար։

Այս խօսքերը ըստ ատեն մե-

զուն թռաւ և չիտակ փեթակը
գնաց :

ԲԱՌԵՐ.—Գետավի՝ գետին եղերքը : Պաշար՝
ուտելիք : Հաւայել՝ ժողվել : Անզործ՝ չաշխառող :



19. ԵՐԳ

Ո՞հ, ձմեռը գնաց հեռուն,
Բարի եկաւ աղուոր գարուն:
Թռչունները բոյն կը շինեն,
Թիթեռնիկը եկաւ նորէն:
Երկինք կապոյտ է և պայծառ
Ծաղիկ հագան պարտէղ ու ծառ,
Պղտիկ տղաք, սիրուն տղաք,
Ի՞նչ կեցեր եք, եկէք լսաղանք:

20.—ՄՈՒՇԵԼ ԵՒ ԻՐ ՔՈՅՐԸ

18.

Փոյր և եղբայր ձամբան շա-
րունակեցին . թռչուն մը կ'երգէր
ճիւղի մը վրայէն : Մուշեղ ըստւ .



—Աղեկ զիտեմ որ սա թռո-
չունը գործ չունի : Ի՞նչ լաւ կ'ըլ-
լար որ մինչեւ իրիկուն նստէի
հոս, ծառերուն տակ, իր անուշ
երգը մտիկ ընելու համար :

Բայց քոյրը պատասխանեց.

—Տե՛ս, տե՛ս . թռչունը վար

թռաւ և յարդի շիւղեր ժողվեց
և զանոնք իր բոյնը կը տանի. այդ
յարդով և փետուրով ու մամու-
ռով բոյն մը պիտի շննէ : Պարապ
կենալու ժամանակ չունի :



Փիչ մը անդին, չուն մը տեսան
որ ճամբուն եղերքը փռուած էր :
Տղան հարցուց .

—Կրնա՞մ խաղալ սա չունին
հետ. յայտնի է թէ ընելիք բան
մը չունի :

Ճիշդ այդ պահուն մարդ մը
սուլեց : Շունը անմիջապէս ոտքի
ելաւ, և մարդուն հետ մէկտեղ
գնաց ոչխարներուն ետեւէն :

—Կը տեսնե՞ս, ըսաւ այն ա-

տեն քոյրը : Այս շունն ալ պարապ
չէ, ան հսկիւին կ'օգնէ, ոչխար-
ները գայլերէն պաշտպանելու հա-
մար :

Մուշեղ տեսնելով որ բոլոր մե-
զուները, թռչունները և անա-
սունները կ'աշխատին, գործ մը ու-
նին, ըսաւ .

—Քանի որ այսպէս է, ես ալ
դպրոց երթամ և գասերս սովորիմ :

Քոյրը շատ գոհ մնաց Մուշեղի
այս խօսքէն :

ԲԱՌԵՐ. Շիւղ՝ պղտիկ ճիւղ :

—————

21. ՃԻՒ ՃԻՒ

Թռչնիկն երբոր կը թռչի
Անտառին մէջ, ծառէ ծառ,
իր ձայնն՝ աղօթք մ'է պայծառ,
ճիւղ, ճիւղ, ճիւղ, ճիւղ, ճիւղ, ճիւղ...

Հաճոյ սրտի, ականջի
եղանակներ մանկական՝

Կըկնենք զանոնք ուր որ կան,
ձիւ, ճիւ, ճիւ, ճիւ, ճիւ, ճիւ...

Եւ մեր վըրայ թո՛ղ հանգչի
Վերէն, թիսուս մանուկին
Սնուշ ժըպիրն հրճուազին,
Ճիւ, ճիւ, ճիւ, ճիւ, ճիւ, ճիւ...

Եւ Աստուած ալ թող հածի
Մեզի դրկել երկինքին
Դեղձանիկներն որ երգեն
Ճիւ, ճիւ, ճիւ, ճիւ, ճիւ, ճիւ...

ԱՆԵՔՍԱՆԴՐ ՓԱՆՈՍԵԱՆ

ԲԱՌԵՐ.—Թոյնիկ՝ պղտիկ թռչուն։ Համոյ՝
հածելի, ախորժելի, անուշ, Մամկալան՝ տղոց յա-
տուկ։ Հրանուազին՝ անուշ։

22.—ԱՐՅԵՍՏՆԵՐ, ՇԻՆՈՒԹԻՒՆ

Ատաղձագործը և Հիւսնը փայ-
տի վրայ կը գործեն։ Ատաղձա-
գործը կը շինէ դռներ, սեղաններ,
պատուհաններ, տախտակներ, ևն։
Ան կը գործածէ գործասեղան,

սղոց, գչիր, տապքղեր (բէնտէ),
խարաբուղ (մեծ բէնտէ), եռան-
կիւն, կանոն, կարկին ևայլն։

Հիւսնը կը շինէ գերաններ,
մարդակներ, ևայլն։ Իր գործիք-
ներն են ուրագ, սղոց, գչիր, ևայլն։
Դարբինը կը գործէ երկաթ և
պղինձ կը դնէ կղպանքներ, պա-
րունակներ, և կը գործածէ մա-
մուլ, դուր (զըմպա), մուրճ, պտու-
տակի բանալի (դունօվիտա), խար-
տոց։

23. ԳԱՌՆՈՒԿՆԵՐ

Ժըպաք, տեսէք ձեր մօտիկ
Մինչ ոչխարներ խատուափկ
կ'արածեն։

Իրենց քով կան զիրդ ու զիր
Գառնուկներն, իրենց ձագեր
նորածին։



Գառնուկներուն պէս և դուք
Որ չոնիք հոգ, մըտմըտոք
Ու ցաւեր,

Տըղա՛ք, դուք որ, խնդաղին
Կը կայտուէք ձեր ծնողքին
Քոջն ի վեր,

Մի՛ թափառիք շատ ճամբան,
Զեզ կը պակսի դեռ շատ բան.
Քիտցէք թէ

Զեր հովուհին դեռատի

Զեր մայրն է որ միշա պիտի
Զեզ կրթէ:

Դուք պէտք ունիք ամէն օր,
Մինչեւ ըլլաք մեծ անոր
Խընամքին,

Զեզմով չոնի հանգիստ ան.
Զեզ՝ անոր գիրկն՝ ապաստան
Մ' է անգին:

ԱՆԵՔՍ. ՓԱՆՈՍԵԱՆ

ԲԱՌԵՐ.—Խատուտիկ՝ գոյնզգոյն: Գիրգ՝ գեղեցիկ: Խնդագին՝ ուրախ: Կայտուկ՝ զուարթութեամբ ցատկել: Թափառիկ՝ ասդին անդին պտարտիլ: Դեռատի՝ տարիքը պղտիկ: Ապատան՝ պատըսպարուելու, պաշտապանուելու տեղ: Անգին՝ թանկագին, քիչ գտնուող:

24.—ԴԱՒԻԹ

Դաւիթ պղտիկ տղայ մըն էր:
Շատ տղաց պէս ան ալ մատներովը քիթը կը խառնէր, Հակառակ մայրիկին խրատներուն:
Օր մը Դաւիթ նոր ձերմակ

Հագուստ մը հազած էր, և շատ
ուրախ էր Բայց չէր մոռցած
դարձեալ իր գէշ սովորութիւնը
և մատներովը քիթը կը խառնէր:

Յանկարծ, քիթը արիւնեցաւ
և Դաւիթի ձերմակ աղուոր հա-
գուստը աղտոտեցաւ:

Ասիկա այնչա՞փ ցաւ պատճա-
ռեց իրեն որ մէյմրն ալ մատները
քիթը չխոթեց:

Պղտիկնե՛ր, եթէ դուք ալ Դա-
ւիթի պէս այդ աղտօտ և տգեղ
սովորութիւնը ունիք, մի՛ ընէք,
որպէսզի օր մը չլաք անոր պէս:

25. ԳԱՐՆԱՆԱԲԵՐ

Կապոյս գլխով, կանանչ ոստով,
Ես ծաղիկ եմ անուշ հոտով.
Թէ տոնկո փոքրիկ է ցած,
Արօտներու մէջ միշտ կեցած.
Բայց իմ փունջու ամէնուն տան,

Թէ աղքատի, թէ մեծատան .
Իբրեւ գարնան առաջին զարդ,
Իրնայ տեսնել ամէն մէկ մարդ .
Ես եմ սիրուն գարնան դուշակ,
Իմին անունս է մանուշակ :

26.—ՏԱՐՈՒԱՆ ՏԱՄՆԵՐԿՈՒ ԱՄԻՍՆԵՐԸ

Ամիսները երեսուն կամ երե-
սունը մէկ օր են. միայն Փետրը-
ուար ամիսը քսանը ութը կամ
քսանը ինը օր է. ասոնք են ամիս-
ներուն անուններն. Յունուար, Փե-
տրուար, Մարտ, Ապրիլ, Մայիս,
Յունիս, Յուլիս, Օգոստոս, Սեպ-
տեմբեր, Հոկտեմբեր, Նոյեմբեր,
Դեկտեմբեր:

27.—ՄԱՆՈՒՇԱԿ

Մանուշակը սիրուն փոքրիկ ծա-
ղիկ մըն է: Ան ունի կապոյտ գոյն

և անուշ հոտք Ո՞ւրսեղ կը բուս-
նի մանուշակը : — Ան կը բուսնի
թռփերու տակ, խոտերու մէջ :

Սրբուհի բանջարանոցին մէջ
փոքրիկ մանուշակ մը գտաւ և մօ-
ռը բերաւ : Մայրը ուրախացաւ և
համբուրեց իր փոքրիկ սիրուն
Սրբուհին : Մարտիրոս ալ փունջ
մը մանուշակ բերաւ իր ուսուցչին :
Ուսուցիչը չնորհակալ եղաւ և
ըստ :

— Շատ ապրիս :

28. ՀՐԵՇՏԱԿ ԸԼԼԱԼ Կ'ՈՒԶԵՄ

ինծի կ'ըսեն . « Հրեշտակ մըն ես »
Բայց ասկէ չեմ շփանար ես .
Գովեստի ձեւ է ատիկա
Որուն բնաւ տեղը չկայ :

Թէպէտ պղտիկ եմ տակաւին ,
Կը փափաքիմ ես սրտովին ,

Այդ անունին սուրբ և ազուոր
Ըլլալ իրօք արժանաւոր :

Քաղցրաբարոյ ըլլալ կ'ուզեմ .
Նաեւ զըւարթ ու ժըպտագէմ
Միշտ հնազանդ ու բարեկիրթ
Աշխատասէր ու գըթասիրտ :

Այսպէս կըրնամ երկրիս վրան
Հրեշտակներու ըլլալ նըման .
Եւ անկէ ետք , երկինքն ալ
Իրաւցընէ հրեշտակ դառնալ :

ԲԱՌԵՐ . — Ursnijhiն՝ սրտանց : Քաղցրաբարոյ՝
անուշ բնաւորութիւն ունեցող : Ժըպտագէմ՝ ժըպ-
տուն դէմքով : Դրասիրտ՝ գութ ունեցող , բարի :

29. — ԲԱՐՈՒԹԻՒՆ ԵՒ ԳԵՂԵՑԿՈՒԹԻՒՆ

Զարուհի և Աշխէն երկուքոյ-
րեր էին :

Զարուհի այնքամն գեղեցիկ էր
որ զինքը առաջին անգամ տեսնո-
ղը կը հիանար իր վրայ և անմի-
ջապէս կը համակրէր իրեն : Իսկ

Աշխէն, ընդհակառակը, սիրուն
չը, և ասիկա վիշտ կը պատճա-
ռէր իրեն։

Օք մը Աշխէն՝ երբ իր մօրը
հայելիին մէջ ինքզինքը կը դի-
տէր, ըստ տիրութեամբ։

— Քանի ոք գեղեցիկչեմ, կ'ու-
զեմ այնքան բարի ըլլալ ոք ամէն
մարդ զիս սիրէ։

Այդպէս ալ ըրաւ և ամէնէն
սիրուեցաւ։ Իր դէմքը ամէնէն
սիրուն արարածէն աւելի գեղեցիկ
երեւցաւ, որովհետեւ իր աչքե-
րուն մէջ կը փայլէր բարութիւնը։

Բարութիւնը գեղեցկութենէն
աւելի հաճելի է։

Գեղեցիկ աղջիկը հոտաւէտ
վարդ մըն է, իսկ բարի աղջիկը
անսպառ գանձ։

ԲԱՌԵՐ. — Համակրի՝ սիրել՝ Անպառ՝
չասմող։



30. ՓԻՍԻԿԸ

Մեծ փիսիկ մը ունիմ ես,
Մորթը փայլուն բուրգի պէս,
Դեղին կռնակ, ճերմակ փոր,
կը մլաւէ ամէն օր։

Փիսիկները կ'ըլլան չար.
— Ի՞նչ պատմեմ ձեզ ես երկար, —

Օք մը կաթս լափեց ան,
Գիրքըս ըրաւ ցիր ու ցան,
Եւ երբ զարկի իր դիմուն,
Զեռքէս բերաւ շատ արիւն։

Փիսիկ, ալ քեզ չեմ սիրեր,
Կեղծաւոր ես, շահասէր.
Երբ կաթ աեսնես՝ կը դգուես,
Քիչ մը ետքն ալ կը ճանկես։

ԲԱՌԵՐ. — Շահասէր՝ շահը սիրող, Դգուել՝
սիրել։

31. ԳԷՇ ԿԱՏԱԿԸ

Վահան և Մարկոս Երկու աշնառակ տղաք էին, միշտ իրարուհետ կոփւ կ'ընէին։ Վահան՝ աւելի չար Մարկոսէն, միշտ գէշ կատակներ կ'ընէր։

Այսպէս, անցած օր, Վահան կատակի համար գրիչը նետեց Յակոբի գլխուն։ Գրչածայրը գնաց մխուեցաւ Յակոբի ականջը, ուրիշ սկսաւ արիւն հոսիլ։

Եթէ քիչ մը աւելի խորը մըխուէր, խեղճ տղուն ականջը պիտի խունար։

Վահան շատ գէշ պատիժ մը կրեց։

Զգուշացէք գէշ կատակներ ընել։

ԲԱՌԵՐ. — Մխուի՝ մտնել։ Հոսի՝ վազել։
Պատիժ կրել՝ պատժուիլ։

32. ԱՇԽԱՏՈՂԻՆ ԵՐԳԸ

Թէեւ փոքրիկ բայց ժրաշան կարուհին եմ ես մեր տունին,
Թաթիկներս յոդնիլ չունին,
Կուղեն գործել ամէն վայրկեան։

Արշալոյսէն մինչև գիշեր
Կը հիւսեմ զարդ, կը կարեմ կար,
Կտրեմ ձեւեմ միշտ անդադար
Բանիմ ասեղ, ժանեակ, նիշեր։

Աշխատութիւն, այս է իմ երգ.
Կեանքը կոփւ մըն է անդուլ,
Ու երբ կենանք անհոգ ու թոյլ
Կընանք մնալ անօթի, մերկ։

ԲԱՌԵՐ. — Ժրազան՝ աշխատող, Անդուկ՝ վերջ,
Պադար չունեցող։

33. ԳԻՆԻՆ

Գինին խաղողէն կը շինուի։
Խաղողը որթին պտուղն է։ Երբ
Հասուննայ ան, աշնան ատեն կը



Ժողվեն, այս է այգեկութքը՝ Խա-
ղողը կը ճմլեն և քանի մը օր կը
ձգեն որ խմորուի։ Նոր գինին
կ'եռայ, կարծես թէ կ'եփի։ Երբ
խմորումը լմննայ, տակառներու
մէջ կը դրուի։ Կայ կարմիր և
ճերմակ գինի։

34. ԵԴՈՒԱՐԴ Կ'ԱՂՕԹԷ

Ոչքերուդ մէջ չարաճընի
Խանդոս բոց մը կը վասպըսի։ —
Ով գիտէ ի՞նչ կ'աղօթես դուն,
Մահճիդ վրայ նստած արթուն։

Երթունքներուդ վրայ կ'այրի
Պաշիկներուն հուրքը վարդի,

Ով գիտէ ի՞նչ կ'աղօթես դուն,
Մահճիդ վրայ նստած արթուն։

Ալ քնացիր գո՛հ, անայլայլ
Երազներով օրօրուէ ալ,
Հրեշտակներ թո՛ղ երկնքէն
Քու մանկային օրօրդ երգեն։

Մ. Ա.

ԲԱՌԻԵՐ. — Խանդոս՝ ազուոր։ Մահիմ՝ անկո-
ղին։ Հուրդ կրակ, գոյն։ Անալլայ՝ անհոգ, հան-
դարս։ Մանկայիմ՝ տղու յատուկ։

35. ԼԱՒ ԸՆԿԵՐԸ

Շաւարշը կը սիրեն որովհետեւ
լսւ ընկեր մըն է, միւս տղաքը շի-
նեղեր, ընդհակառակը, ձեռքէն
եկածը կ'ընէ անոնց նեղութիւնը
թեթեւցնելու համար։

Օր մը, Շաւարշը ամբաստանե-
ցին թէ դպրոցին պատերուն վրայ
մատիտով բաներ կը գրէ։ Շա-
ւարշ գիտէր թէ ո՞վ գործած է

այդ յանցանքը, բայց չըստաւ. միայն
յայտնեց թէ ինք չէր պատը աւ-
րողը :

Ուսուցիչը ծանր պատիժ մը
տուաւ անոր։ Շաւարչ նորէն բան
մը չըստաւ :

Բայց ձշմարիտ յանցաւորը,
յուզուելով Շաւարչի աղնուու-
թենէն, լալով գնաց խոստովանե-
ցաւ թէ ինք դրած էր սպատին
վրայ :

Ուսուցիչը գովեց անոր անկեղ-
ծութիւնը։ Իսկ աւելի գովեց Շա-
ւարչը որ ընկեր մը պատժել չտա-
լու համար ինքզինքը պատժել
տուած էր :

36. ՆԱՒԱՍԻՆ

Նաւասի մը կը մեկնէր
Դէպի հեռու երկիրներ։
«Կ'երթաս, ըստ մէկն իրեն,

Բայց չ'ս վախնար ծովերէն .
Հայրդ ու մեծ հայրդ ալ գացին,
եւ զոհ եղան արկածին ։»
«Իսկ քուկին հայրդ ո՞ւր մեռաւ ։»
—իր անկողնին մէջ հարկաւ ։
«Ուրեմն այն տեղ դուն ի՞նչպէս
Ոմէն գիշեր կը ննջես ։»

ԲԱՌԵՐ .— Ննջել՝ քնանալ :

37. ԱՍՈՒԾՈՅ ԱԶՔԸ

Լեւոն և Թագուհի մինակ մնա-
ցած էին տան մէջ։ Լեւոն ըստ
քրոջը .

—Եկո՛ւր, շատ մը աղուոր ու-
տելիքներ գտայ, ամէնքն ալ կըք-
նանք ուտել, մայրիկը բնաւ չպի-
տի տեսնէ ։

Թագուհի պատասխանեց.

—Կը հաւանիմ, պայմանաւ որ
անանկ տեղ մը երթանք ուր ոչ
ոք մեզ տեսնէ ։

— Շատ աղէկ, ըստ եղբայրը,
քովի սենեակը մեղը կայ, հոն
երթանկը :

— Բայց դրացին մեզ կրնայ
տեսնել :

— Ան ատեն խոհանոց երթանկը,
դարակին մէջ կարագ կայ :

— Բայց դիմացի պատուհանն
ալ կին մը կայ որ մեզ կը տեսնէ :

— Ուրեմն մառան երթանկը և
խնձոր ուտենկը. այնտեղ այնքա՞ն
մութ է որ ոչ ոք պիտի տեսնէ
մեզ :

— Կը հաւատա՞ս, սիրելի լե-
ւոնս, ըստ Թաղուհի, եթէ մար-
դոց աչքերն ալ չտեսնեն, Աստու-
ծոյ աչքերը ամէն տեղ են և ա-
մէն բան կը տեսնեն :

38. ՄԱՅՐԸ ԵՒ ԻՐ ԵՐԿՈՒ ԶԱԽԱԿՆԵՐԸ

Մեր թաղին մէջ խեղճ աղքատ
Մայր մը կար շատ երջանիկ :
Ունէր զաւակ երկու հատ
Մէկը մեծ՝ միւսն էր փոքրիկ :
Ասոնք մէկտեղ կապրէին
Փայփայելով զիրար միշտ
կապուած սիրով կաթոգին՝
Զէին ճանչցած երբեք վիշտ .
Օր մը մեծը մօրն ըստաւ.
«Դիտեմ զիս շատ կը սիրես,
Բայց չես կրնար դուն բընաւ
Սիրել, որքան ես զքեղ .»
Մայրը հարցուց իր տղուն
«Ինչո՞ւ կ'ըսես ատանկ բան :
— Երկու զաւակ ունիս դուն,
Գոչեց, ես՝ մայր մը միայն :»

ԲԱՌԵԲՐ .— Կարողին՝ շատ :

39. ՊԱՐԿԵՇՏ ԵՂԻՔ

Օր մը Մարգարիտ իր տան մօ-
տէն հաւկիթ մը գտաւ և հաս-

կըցաւ թէ դրացուհինն է . ան-
միջապէս գնաց և անոր տուաւ :

Դրացուհին Մարգարիտի այս
ընթացքէն շատ գոհ եղաւ :

Քիչ ատենէն Մարգարիտ վառ-
եակ մը ընդունեցաւ իր դրացու-
հիէն . այդ վառեակը իր տուած
հաւկիթէն ելած էր :

Վառեակը ազէկ պահուելով
հաւ եղաւ և ածեց շատ հաւկիթ-
ներ : Մարգարիտ շուկայ կը տա-
նէր, և կը ծախէր զանոնիք :

Այդ հաւկիթներէն թուխսի
ալ դրաւ և ունեցաւ վառեակներ :

Այսօր Մարգարիտ քսան հաւ
ունի, որոնք շատ հաւկիթ կուտան
անոր և անոնց գնով Մարգարիտ
իր մօրը կ'օգնէ :

Այսպէս կը վարձատրուի պար-
կեշտ գործ մը :



40. ԹՌՈՒՑԻԿՍ

Օ՞ն վեր ելիր, վեր ելիր,
իմ գեղեցիկ թռուցիկ՝
Ամպերուն քով բարձրացիր,
իբր արծիւ սլացիկ :

Արասանս երկայն է՝
Որչափ ուզես ելիր վեր,
Տեղս ընդարձակ ու մեծ է՝
Զկան քեզի արգելքներ :

Հով ահա կը փչէ՝
Թով տամ պիտի ալ քեզի,
Ճիշտ օ՞ն ժամը յարմար է՝
Թոփիր բարձրելն երկինքի :

Օ՞ն վեր ելիր, վեր ելիր,
իմ գեղեցիկ թռուցիկ,

Արասանս երկայն է ,
Որչափ ուղես վեր ելիր :
ՍՍԱԿԱՆ ՎՐԴ.

ԲԱՌԵՐ .— Աշացիկ՝ բարձրերը թռչող :

41. ԱՆՀԱՅԱՆԴ ՏՂԱՆ

Մարգար շարունակ լուցկիներու
հետ կը խաղար : Մայրը միշտ
կը պատուիրէր որ այդ վտանգաւոր
սովորութիւնը ձգէ , բայց
Մարգար մտիկ չէր ըներ :
Օր մը , Մարգար և իր քոյրը
մինակ էին տան մէջ :

Չար տղան նորէն լուցկիներու
հետ խաղալ սկսաւ : Վառած լուցկի
մը ինկաւ քրոջը շրջազգեսաին
վրայ , բռնկեցաւ և խեղճ աղջիկը
սկսաւ ողջ ողջ այրիլ : Իր աղաւակներուն վրայ դրացիները հասան
և դժուարաւ կրցան բոցերը
մարել :

Մարգարի քոյրը հիմայ հիւանդանոցն է և յոյս չկայ որ ապրի :
Իսկ Մարգար թէեւ զղաց ու
լացաւ ըրածին համար , բայց անօգուտ :

Առաջուընէ պէտք է զգոյշ և
հնազանդ ըլլալ : Վերջէն զղալը
օգուտ չըներ :

42. ԲԱՐԻ ԱՂՋԻԿԸ

Փոքրիկ աղջիկ մըն եմ բարի ,
կը խելքնամ ամէն տարի ,
Գիրքերուս հետ կ'ապրիմ մինակ ,
Անոնք եղան հաճոյքս հիմակ :

Միրգ , կարկանդակ , սեր և շաքար
չըապոյը չունին ա'լ ինձ համար :
Գըրիչ կարկին թուղթ ու տետրակ
հաղալիքներս եղան հիմակ :

43. ԾԱՌԵՐ ԵՒ ՊՏՈՒՂՆԵՐ

Խնձորենին կուտայ խնձորներ
և տանձենին՝ տանձեր ։ Խնձորով
կը շինուի խնձորօղի և տանձով
տանձօղի ։

Դեղձին կուտայ դեղձեր, սա-
լորենին՝ սալորներ, ծիրանին՝ ծի-
րաններ ։

Գարնան ատենը կրնաք քաղել
կեռասներ կեռասենիէն և ելակ-
ներ ելակի տունկէն ։

Ընկուզենին կուտայ ընկոյզներ ։
Կաղնին՝ կաղիններ ։

Որթին վրայ կը բումնին խա-
ղողներ ։

Թղենին թուզ կուտայ, արմա-
ւենին՝ արմաւ, նարնջենին՝ նա-
րինջ ։

Զիթենին միշտ կանանչ տերեւ-
ունի. աշնան ատեն ձիթապտուղ-

ները կը քաղեն ։ Զիթապտուղը
ձմլելով ջաղացքի մէջ ձէթ կը
հանեն ։



45. ՀԱՅ

Երբ ցորենը հասուննայ, հըն-
ձողը զայն կը կտրէ, յետոյ կալին
մէջ յարդը ցորենէն կը զատէ, և
ցորենը ջաղացք կը տանի. Ջաղաց-
պանը զայն կը փոշիացնէ և այս-
պէս ալիւր կը պատրաստէ ։ Ալիւ-
րով կը շինուի խմոր և փուռին
մէջ եփուելով հաց կ'ըլլայ ։



46. ՀԱԳՈՒՍՏՆԵՐ

Դերձակը էրիկ մարդոց հա-
գուստներ կը շինէ, ինչպէս վե-
րարկու, ևայն :

Կարուհին կը շինէ շրջազգեստ-
ներ . կը գործածէ թել, ասեղ,
գնդասեղ, միրատ :

Զուհակը ճարտարութեամբ կը
հիւսէ բուրդի, կանեփի թելերը
և անոնցմով կերպաս կը շինէ .

Բեղոյրներ կը գտնուին բեղոյ-
րավաճառին քով .

Կօշկակարը կօշիկ կը շինէ, և
հերիւն կը գործածէ կաշին ծա-
կելու համար :



ԳՐԱՏՈՒՆ Պ. ՊԱԼԵՆՑ

Կ. ՊՈԼԻՍ

ՆՈՐ ՀՐԱՄԱՆԱԿՈՒԹԻՒՆՆԵՐ

Յ. Դաշնամունքական գիրականութիւն Դմ՛.	
(Տարբական դասընթացք)	4.—
» Աշխարհաբար գիրականութիւն	
(Միջին դասընթացք)	6.—
» Աշխարհաբար գիրականութիւն	
(Բարձրագոյն դասընթացք)	7.50

LE FRANÇAIS, Cours complet pour l'enseignement direct de la langue française	
I partie	3.—
II »	5.—
III »	6.—

G. ZOBOU. — Correspondance et terminologie commerciale Français-Turc	20.—
--	------

Կ. Բառանձիւն. — Ազգ. Պատմութեան, (Տարբական)	4.—
» » » (Միջին)	6.—

Խ Ա Մ Լ Ո Յ Տ Ա Կ

Մ. Նուպարեան. — Առձերն Ֆրանս-Հայ բառարան
Առնելի Պարբեւեան. — Հայուհին
Թողարօ. — Յարութիւն, Թարգմ. Երուանդ Օտեան

Գին 1 Դմ՛.

100 համը 70 դր.





